

auch hoch von nöthen ihren grösten Feindt wol zu erkennen. Nun haben sie keinen grössern Feindt dann die unreinen Frawen die in ihrer Monatszeit sein/dann mit welchen sie vnter den (verstehe den Potab:) ombgehen vnd sonderlich anrühren/anathemen vnd ansehen/dasselbige verdirbet. Der Wein stehet auff vnd wird seyer/etc. Darauff ist auch wol zu mercken / daß man solches erstlich erkennen sol/für allen ihren sonderlichen Conservationen. Nun ist des Weins höchstes Conservatit vnd auch Præservatit der Sulphur vnd oleum Sulphuris, dadurch ein jeglicher Wein gar eine lange zeit mag erhalten werden/also dz er nicht seyer wird noch auffstehet. Item in Tractatu de Sulphure minerali, spricht er/daß durch den Sulphur oder Schwefel (verstehe den schönen gelben Schwefel/je gelber er auff Goldfärbig/je besser vnd gesunder er ist) wann derselbige etliche mahl je öfter je besser vom Vitriolo eleviret (das ist sublimiret) wird/werde der Wein gerechtfertiget/ja dz alle Wein durch ihn ganz gesundt vñ frisch behalten werden/gesundt den Menschen zu trincken/vnd ist ein solch stücke zu dem Wein/daß nicht möglich ist/daß etwas unreines im Wein bleibet / daß sich nicht von ihme in das Lager schlahe / vnd alle Wein die mit ihme præparirt werden/dieselbige alle sein der arth/dz sie im Menschen nicht Griesß oder Sandt gebehren/oder den Schlag/oder auch einigerley Geschwer/Fluß/Husten/Fieber vnd dergleichen/auch die Fäwlungen nicht verursachen / dann seine art ist dermassen (so er bereit ist wie gesagt) daß seines gleichen nicht mag gefunden werden.

Serner sagt er:

Daß der Mineralische Sulphur oder Schwefel auch nichts sol (verstehe zu dieser Conservation vnd Præservation des Weins/vñ andern Wercken d'Arzney) es sey dan dz er bereitet (verstehe durch die sublimation) sey/ vñ sonderlich viel vñ offte/so verleuret er alle seine feces, giftigkeit/ vñ was nichts sol/vnd bleibt allein dz Perlen/das den die höchste Arzney ist/etc. Derhalben mögen die Weinhändler dieses wol in achtung nehmen vñ es mercken/die ihre Wein dermassen mit rohen vnberiteten/ja offte wol mit Realgarischen vnd Arsenicalischen Schwefel/schwefelen vnd einschlagen/dz die jenigen die solche hernachmahls drincken/in Kranckheiten vñ beschwerungē fallen/etc.